

# Motivación de la candidatura SOMOS ASTURIAS

Tamos protagonizando un cambéu históricu. Demostremos que los meyores resultaos llógrense conectando la nuestra realidá más cotidiana (barrios, pueblos, localidaes) cola ilusión y necesidá de tresformación en tolos demás ámbitos: les primaries, les elecciones europees o los procesos municipales constitúin bonos exemplos d'ello. Presentar esta candidatura ye un pasu más nesa direcció. Queremos xunir esfuerzos y seguir trayando nun proyectu asturianu que seya a superar **les instituciones locales y autonómiques** pa devolveles a la ciudadanía.

La iniciativa **SOMOS ASTURIAS** propón una Secretaría Xeneral y un Conseyu Ciudadanu de **PODEMOS ASTURIAS** que respunda de forma creativa y eficaz a los retos que nos esperen, y non yá a los más inmediatos. Pero sabemos que somos munches más de 35 les persones capaces d'apurir les nuestres conocencies, capacidaes y esperiencia a esta ferramienta de participación que tamos construyendo. Por esti motivu, mientres los últimos meses fuimos texendo una **amplia rede de sofitu** y trayayu que, a día de güei, dexa poner en común los esfuerzos de centenares de persones de toa Asturias, amosando que se ye quien a construyir dende lo local ensin cayer en localismos.

Nun foi fácil entamar toos esos esfuerzos alredu de les exes principales de l'acción política que se necesita p'asaltar el cielu asturianu, pero, finalmente, sintetizar en diez **árees de trayayu**, estremando, en caúna d'elles, delles responsabilidaes: movilización institucional, Asturias 2030, democracia audiovisual y dixital, ágora Asturias, auditoría de la democracia, rescate ciudadanu, cultura ya innovación social, equilibriu territorial y medioambiental... Cada área va cuntar con delles persones con capacidá de dinamizar equipos más amplios, garantizando un clima de colaboración y coordinación estratéxica.

Proponemos construyir un **PODEMOS** que dende Asturias afonde nos mecanismos democráticos de participación directa y en formes responsables de facer política que sirvan d'exemplu nel conxuntu del territoriu: **PODEMOS** tien equí una fuerte implantación, el mayor porcentaxe de sofitu electoral y la más alta proporción de persones inscrites del Estáu y, amás, puede algamar el so primer gobiernu autonómicu. Munches son les miraes puestas n' Asturias y namás **colectivamente podemos asumir esta enorme responsabilidad**.

Les persones qu'agora ponen cara a esti proyectu vienen de les distintes árees xeográfiques del territoriu asturianu, pertenecen a sectores profesionales diversos y reflexen esperiencias llaborales y sociales bien plurales. Poro, constitúin la cabeza de ponte d'un cambiu políticu que ta xustu ehí enfrente, al otru llau d'un esfuerzu de cuatro meses -tan titánicu como posible-, onde **nun podemos perder nin un segundu de vida nin un gramu d'ilusión**.